

國

醫
酒
正
言

第一期



劉嘉琛題



孫 總 理 遺 像



遺 囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至囑

國醫正言第一期目錄

一 總理遺像

二 文件

天津中醫公會呈中央立法院文
立法院秘書處覆天津中醫公會函

三 宣言

陳澤東

四 論壇

新生活運動之愚感

陳澤東

醫德說

周蘇甫

國醫自勵芻言

李錫卿

五 專著

國醫寒傷課義

陳澤東

六 雜誌

傷寒問答

沈肖卿

傷寒要畧

張蘭亭

咽喉論

張靜齋

論傷寒初起無汗之原因

趙瑞升

溫病疫病分別說

溫病淺說

費子彬

婦人懷孕乳子之時月經停止之

原理 附王慎軒先生評語

宋向元

針灸論

紀良臣

霍亂陰陽說

王紹蔭

霍亂淺說

朱世恩

小兒結胎構造說

劉德旺

論婦人生血之原因

劉松林

咽喉痛論

劉金詔

理想的天老研究..... 楊子明

瘧疾病原說..... 曹樹芸

霍亂瘟疫證診治之辯別..... 劉廷文

溫病疫病分別說..... 張振芝

溫疫論..... 王允莊

傷寒與疫厲之分別..... 秦深泉

傷寒初起無汗之淺論..... 李錫卿

七 實驗

實驗證..... 吳香圃

眼科雜證淺論治法..... 李文彬

時症複雜劇烈之治法..... 陳澤東

八 瑣聞

醫界無味訴訟..... 市隱稿

醫藥警棒



★
文
件
★

天津中醫公會呈中央立法院文 二十三年一月二十二日

皇爲公請挽留焦公易堂復任本兼各職以勵賢良而維國醫保護種族事竊屬會近奉到

中央國醫館代電一份略開本館館長焦公易堂前因樹國醫於法律的地位草提國醫條例經中央政治會議發交立法院審查分爲國醫條例中央國醫館組織法暨修改內政部組織法之三件先於上月二十二日改國醫條例爲中醫條例通過在案餘二件因時間不及留付下屆大會討論嗣於本月十二日繼續討論乃因兼議政府發行公債又致延擱以此一案三件前後割裂殊與議事規程諸多不合焦公提請糾正發生爭執憤慨之餘當提請辭立法委員法制委員長並中央國醫館館長各職等因屬會開會公佈全體愕然當即推員起草一致援助查焦公易堂歷任中央偉職名譽清廉政聲昭著實爲當代之賢良而提倡國醫乃熱心救族之公心並非阿護國醫之私情也又查醫家之術以治愈病人爲天職不可挾利心傾軋近年來中西之競爭屢起不休究其真情皆爲營業金錢計而非爲能力高低較也此等貪鄙殘忍之行爲直不堪以嗤大凡關於氣化情感各病西醫不知其原事故舉手便錯而國醫知其原理所治多愈如剗剔鎗炮傷截臂鋸腿開腔割瘤等證國醫未有其法故不能治西醫雖有其法而所治亦未必皆愈然國醫能治之病時常有之而西醫所能治之病不能常有即此而論則國醫之關係種族健康者重於西醫也今焦公易堂因提倡致啓爭執而辭退本兼各職國醫同志



皆抱不忍且焦公是賢良人才也國醫是保種學術也必須慰留焦公復任本兼各職俾令得復提倡國醫重要之學術斯合公理明達如鈞院諸偉人勿庸民衆之贅言也專肅公懇不勝惶恐待命之至謹呈
中央立法院

主席陳曾源

立法院秘書處覆天津中醫公會函 秘字第一一七三號

逕啓者奉

院長發下來呈一件「爲公請挽留焦公易堂復任本兼各職以勵賢良而維國醫」等情奉批「呈悉焦彭兩委員已照常供職矣」等因相應函達此致
天津中醫公會

立去完必書處啓二十三年二月一日

人，必受摧殘滅絕之禍，其道不存，而益世利民之術淪喪，則滅種亡國之慘，可立待也，鄙身履岐黃之道有年，深知其道之實效，非西法可比，欲求壽世強種之術，非深究吾古聖之正法，不爲功也，但當此人情浮虛，利心太盛之世，中醫自擾於內，西醫侵攻於外，則岐黃之正道，看看淪亡，必須有堅忍不拔之志，努力保護之，方能永久以活人，鄙雖醫學淺陋，而願爲岐黃護法之人，俾令雜派醫者，不得侵略與摧殘，於是糾合同道之醫學醇正者，組織刊物，以爲岐黃護法之器械，遂定名曰國醫正言，倘海內品學優良好道之士，有肯發熱力參加協助者，則又幸矣。

論壇

新生活運動之愚感

陳澤東

蔣委員長發表提倡新生活運動會，經此雷震一聲，風行全國，吾本省于主席，促進勵行，尤爲熱烈，並高呼禮義廉恥爲新生活的精神，鄙人目覩此象壯舉，不禁欣然有感，竊謂新舊二字，須把他看明確了，看活潑了，纔能知道他的關係重要，凡世界之新物事，多係適用的，合衆人心理的，舊物事多係不適用的，不合衆人心理的，若禮義廉恥四字，本是列國時代管子治齊的正道，故曰禮義廉恥，國之四維，四維不張，國乃滅亡，這四個字的關係，竟是如此重要，如此寶貴，以此四字爲我們新生活精神，這一個新字，與孔聖的大學所言，在新民的新字，確有同樣的價值，這大學所言的新字，是言明德是我本有的，被私欲蔽污，其明昏暗，遂用上克己的工夫，把私欲革去，我本有的明德就又明了，也就新了，把這樣工夫又推廣到民，也教他們把私欲革去，教他們本有的明德，也明了也新了，到此程度，這禮義廉恥全在內了，朝野上下，全依着這四個字爲工作，全國一心，國家必可享堅強之幸福，若以自由平行反對戀愛離婚等，當作新字裏邊的事，那就壞啦，國家怕不堅強啦。（未完）

醫德說

周蘇甫

天地之大德曰生，儒教之達德曰仁，我國古之醫者，類皆從修道而通澈醫理，故於天人合一之道，五行生化之原，罔不由仰觀俯察，『收視反聽』之中，識其隱微，得其神髓，而後以之濟世，以之活人，醫而如此，誠不媿康濟斯民之仁術也，炎黃以後，醫藥逐漸發明，至漢代人才蔚起，集其大成，至宋世更設有專官，著於令甲，至近年醫家中西溝通，物理科學日精，益證明中醫學術，已臻聽無聲視無形之境，迥非拘拘於講物質談生理者，所可比擬，我醫界諸賢，果能本聖經之學理，參以歷代各家之經驗，潛心研討，發揮光大，以求有益於社會，則壽世壽民之榮譽，應早蜚聲於全球，祇以數千年來，故步自封，或承家技，不事深求，或以謀生，鑽營利術，以致聖經醫理，漸失真傳，而中醫陳腐，遂爲業西醫者所詬病，是則業中醫者之不良，中醫學之本質不任其咎也。

夫江河浩浩，量以蠡者不足以測其深，天道昭昭，窺以管者不足以見其大，試觀今日各大都市之中，懸壺問世，高價待聘者若干人，此醫也則近於營商，廣告傳單，爭奇炫異者若干人，此醫也則近於市儈，衣麗策肥，奔走權貴者若干人，此醫也則近於趨附小人，其次失業商賈，落魄官僚，文理未通，而濫廁醫林者，尤比比皆是，至叩其臨證心得，立方妙用，則往往南轅北轍，方劑濫施，如此類者，其所業之學雖不精，而欺人之術則甚巧，活人之技雖不足，而自活之謀則有餘，老子曰，天下熙熙，皆以利來，天下攘攘，皆以利往，嗟呼，率天下之業醫者，而皆趨於利之一途，誠無怪致招東亞病夫病國之譏也。

夫醫者意也，症者證也，症雖千變萬化，對症立方，當如良將之治兵，運用之妙，存乎一心，又如良吏之折獄，必於無可求生中，求一生之機焉，虞書云，人心惟危，道心惟微，惟精惟一，允執厥中，古聖王道統之心傳，而實通於醫之理，果使我醫界同人，存不忍人之心，行不忍人之道，推之於社會人民，即孟子所謂不忍人之政，利人利物，而利己亦寓其中矣，概自物質新說演進以來，生活程度日高，而醫者之診費，亦隨以增進，普通一診，醫藥兩項，動輒數金，或十數金，果在甲第豪家，固不有所計較，至若小康之戶，或蓬蓽之門，一罹病患，則有望門生畏，有病難醫之嘆，當此民生憔悴，遍地瘡痍，醫界同人，苟不心存慈善，概以營利是務，不僅於仁術有虧，亦且有干大造好生之德，蓋醫雖居職業之一，與人民生命實有緊切之關係，而敦品勵行，宅心仁厚，尤爲醫者具備之要件，所望我醫界同人，淡泊寧靜，去僞存真，勿貪利以欺人，勿炫奇以自傲，勿因貧賤而棄置，勿因富貴而攀緣，毋謗同道，毋嚇病人，須知居心太溢，其失也則在利己，如操術不精，其失也並且害人，操害人之具，以行利己之術，孽海茫茫，吾爲此懼，余賦性慤直，對於國醫亦祇略窺門徑，造詣不深，茲當本刊發行之始，開宗明義，爰舉醫德，用以自勉，更願我醫界同人其共勉之。

國醫自勵芻言

李錫卿

吾國以農立國，農民實佔全國人民之大半，醫藥之學亦出之於農，自上古民智未開居無定所，未識耕種畜牧之法，以自然產生之植物爲生活之資料，神農嘗草木而辨別滋味，知草木中所含催吐促瀉

之性質，列爲藥物，從此醫藥興焉，故神農氏爲吾國醫藥之鼻祖也，迨軒岐出加以研究互相問難，辨別天地陰陽之理，窮究世人生生之妙，探索得病之原，故有素問靈樞之著，由此醫藥學倡明也，後世又有伊尹湯液之創，實神農之功臣也，其法尙不完備，秦越人雖爲一代名賢，所著之書甚少，惟有難經而已，後漢時有仲聖出焉，創作傷寒立有三百九十七法一百一十三方，從此醫藥始有大法也，華佗觀外形而知內臟，遂有麻肺之法能滌洗腸胃剖腹去疾之術，而爲奸曹所滅，晉唐宋金元明等代，時有名賢輩出茲不贅述，今就吾國醫藥學而言，已有數千年矣，周有疾醫之制，唐宋亦有太醫醫官之稱，昔時國家尙有重中醫之政，近時則不然，國家多不以中醫爲重，殊可惜哉，蓋吾國醫學本係哲學，任其自然，相沿既久而生懈，故其人則優劣不齊，現時二十世紀，歐美之風東漸，西醫之術傳到吾國，吾國固有之醫術，與西醫比較互有爭辨，各輸所長，而當國諸大偉人，謹遵總理遺訓，百度維新，而醫藥一途，亦在維新之例，故提倡設立國醫館，公舉焦公易堂先生爲館長，各省市亦設立分館，及公會等，吾津爲華北通商巨埠，華洋羣居之處，吾醫藥尤當精益求精，而重衛生，故組織中醫公會，今又遵照四中全會通過議案，保護人民言論出版集會結社一切自由，而創辦一種刊物，名曰國醫正言，其中內容，名爲刊物，實則著作之精神者也。

專 著

▲國醫傷寒課義

陳澤東著

自序

吾國文法，凡涉敘事問答類之辭，概皆隨其事之多寡，言辭之簡繁，爲章幅之體勢，前賢注解古聖之書，亦多隨其原文之體勢，不敢斷章易意，致貽離經叛道之譏，故以古書作教本，多不合科學方式，但科學者，係專門學理，統系整齊之謂也，非謂皆變成洋法也，試觀，教部所定之國文教科書，仍係國文國字國筆法，不過由淺入深，循序漸進，段落門類明捷而已，何嘗變成西國之文字筆法哉，鄙人今註傷寒，卽仿教部所定，國文教科書之模型，以立方式，定名曰國醫傷寒課義，而西醫之治法，概不採用，情以西國之風土食居，與吾國不同，其人之秉賦性情亦異，西醫不懂氣化情感，故治內科諸病，歷皆不效，不敢妄加牽引，貽誤同胞也，幸祈同道高明鑒諒焉，特序

河北省青縣陳會源 字澤東道號達元子誌

說 明

國醫正言

第一期 專著

九

本編割集素問，與傷寒本文，有關六經脈證之正說，分列各經病之首爲提綱，並以傷寒三陽三陰，表裏輕重之證，首列於前，再將六經脈證治法，分列註解於後，爲本病，定爲上編，如兩感合病併病爲兼病，如傳經，誤汗吐下，及婦人經血有關等病，爲變病，變象至極，爲壞病，另定爲下編，以期條目清晰，俾令讀者易記易明，而適用也。

凡例

- 一 本課首立總綱，統論傷寒病之全局，並先後治法之次序，舉其大畧之規模，以作讀者之目標，以免方向錯迷之弊。
- 一 本課每有一門之病，卽先表明某門，並表明表裏輕重證，不計其篇幅之長短，卽定爲一章。
- 一 本課每章首所列各條各項，有採集素問者，有傷寒本文者，皆各標曰素問曰本文等字，以明根基。
- 一 傷寒本論從其本文，選擇其對病確當之文，割集而成，不全按其原條照錄也。
- 一 凡各條下所列之藥方，係傷寒原經所著之方爲多，如原經方有不恰之處，另附之方，或原經無方，另補之方，皆係愚之所擬也。
- 一 凡各條下所列之方，祇有方名，而無藥品，另有湯頭方解一冊，秩序整齊，解釋明確，較之隨條著方，爲簡便易記，而適用也，傷寒已有之方，下註曰仲聖，愚自擬之方，卽註曰愚擬以免冒混。

國醫傷寒課義目錄

總 綱

太陽病門

第一章

太陽在表之輕病

素問一條

本文四條

第二章

太陽在表之重病

本文三條

附溫瘧

溫病由裏出表之烈證

愚驗一條

第三章

太陽在裏之輕病

本文二條

第四章

太陽在裏之重病

本文三條

陽明病門

第五章 陽明在表之輕病

素問一條

本文一條

第六章 陽明在表之重病

本文二條

第七章 陽明在裏之輕病

本文四條

第八章 陽明在裏之重病

本文五條

第九章 少陽在表之輕病

素問一條

本文一條

第十章 少陽在表之重病兼在裏之輕病

本文二條

附小柴胡湯加減法

第十一章 少陽在裏之輕病

本文二條

第十二章 少陽在裏之重病

本文三條

總綱

按仲聖之傷寒論，原係金匱內之一門，皆名曰仲景雜病論，自王叔和提出修正，遂爲一部專書，仲聖此論之作，當三國時代，戰事頻仍，天氣殘烈，故本素問熱論篇著傷寒溫病，據前人傳言，另著有卒病論五種，蓋五疫也，惜已失矣，其既本熱論著傷寒溫病，焉知其不本氣交變論，著五疫耶。夫傷寒之字義，乃病之原始，非病之形狀也，寒乃六氣之一，若人傷於寒，由皮膚腠理入經，在經不愈，則入腑，在腑不愈，則入臟，在臟不愈，壯者可活，弱者陰精涸損則死，如曰，一日在太陽，二日在陽明，三日在少陽，四日在太陰，五日在少陰，六日在厥陰，七日爲經盡當自愈，不愈或再經，此皆寒邪在經之說，如已入腑入臟，治得法則愈，不得法則死，絕無再經之理也。

蓋邪在太陽，當一二日發，是言寒邪初受甚淺，在腠理入于本經，其脈象浮，其病象，則發熱惡寒項強頭痛體痛等，是以汗解爲要法，邪在陽明，當二三日發，是言寒邪漸進，較深於太陽，在肌腠交際入于本經，其脈浮長，其病象亦有發熱惡寒，並現目痛鼻乾時嘔不得臥等亦以發汗爲要法，邪在少陽，當三四日發，是言寒邪又進，深於陽明，在肌肉裏層，入于本經，其脈浮弦，其病象則寒熱往來，耳聾目眩口苦喜嘔等，是以和解爲要法，以上皆三陽在經之證，未入腑者也，但三陽各有入腑之證，其病輕者以通利法，病重者以攻下法，其詳說另註於後，如祇以胃家實一證爲入腑，則

太少兩陽之腑病，皆脫漏矣。

傷寒之爲病，皆知由三陽傳入三陰，以三陽爲表證當汗，三陰爲裏證當下，此皆大略之說法也，然三陰之證，有傳化直中之別，倘一錯誤，殺人如反掌，不可不辨，蓋三陽先病，循傳至三陰，是傳化也，爲裏證，而不盡爲熱，若先無三陽病，突現三陰病，是直中也，爲寒卒入裏爲寒證，如按四書在太陰之說，是三陽病已過，傳入本臟，若脈沉，腹滿噎乾，食不下，大便秘，或瀉赤黑膠黏，是寒邪盡而化熱，爲脾熱，爲在裏，當以緩下爲要法，五日在少陰，脈沉細數，舌乾口燥而渴，大便秘，是寒邪過而化熱，爲腎熱，爲在裏，當以清熱留陰爲要法，六日在厥陰，脈沉弦數，前厥後熱，消渴，氣上撞心，心中疼熱，饑而不欲食，大便秘，是寒邪早已化熱，爲肝熱，爲深入裏中之裏，當以攻下保陰爲要法，此三陽傳入三陰裏證之治法也，假如傷寒初起，卽脈浮緩，腹滿而痛，食不下，自吐利，是直中太陰也，當以溫脾小發汗爲要法，若初起卽脈沉細，發熱欲寐吐利，是直中少陰也，當以溫腎小發汗爲要法，若初起卽脈微緩，舌卷囊縮，手足厥冷煩躁，是直中厥陰也，當以溫肝回陽爲要法，凡寒傷三陰之證，先無三陽證，固當以直中法治之，倘若先有三陽證後，而現直中之證者，亦必按直中治之，如誤投涼藥必死。

以上皆爲三陽三陰本病載在上編，其餘之兩感，合病，併病，傳經，誤汗吐下，及婦人熱入血室等證，或爲兼證，或爲變證，或爲壞證，皆載在下編（未完）

▲傷寒問答

沈肖卿著

傷寒問答序

自歐風東漸，我國利權喪失，愛國之士，咸思改良一切以圖挽救，獨醫藥尤關生命，無人提倡，此余之傷寒問答所由作也，溯我國黃帝首作內經，實開全球醫學之祖，歷數千年，至漢長沙，彙集大成作傷寒論，指示後學，度世金針，斷推是書，惜乎書爲晉王叔和編次，增入多篇，以僞亂真千有餘年，至前清張隱菴，張令韶，始從原文加註，陳修園宗之作傷寒論淺註，足稱仲景功臣，顧猶撻拾蕪詞，未能詳求精義，反失經旨，余因潛心研究，竭慮殫精，與父兄輩日夜討論，詳加註釋，十數寒暑稿三四易，而未敢自信，爰將是書先行付梓，質之海內名家，以供研究之資料，倘更匡余不逮，則精益求精，我國醫學其大昌明乎。

瀨江沈懋官肖卿氏序於津門道署東箭道

凡例

- 一 是書以六經分作六篇，由表入裏，由寒化熱，由實及虛，層次井然，讀者必先將六經之主表主裏，爲寒爲熱，爲實爲虛，條分縷悉，然後觀其病之傳變，察其方之治表治裏，藥之寒熱溫涼，自能發明經旨。
- 一 是書以中風傷寒，相提並論，借賓定主，一陰一陽，互相比較，以辨寒熱，讀者必先辨其病在皮毛，在肌肉，在經絡，在腠理，在三焦，在筋骨，在腑，在臟，一一分清，自了然於心目。
- 一 是書首篇以太陽名篇，篇中太陽病三字，所包甚廣，有表病，有標病，有本病，有主氣病，有

客氣病，有伏氣病，發熱惡寒太陽表病也，頭項強痛太陽標病也，膀胱病太陽本病也，太陽中風客氣病也，太陽傷寒寒水當令主氣病也，寒水不當令客氣病也，病由傷寒而變成溫病伏氣病也，篇中凡言太陽病三字，不定何病，須於下文證脈湯方中求之。

是經註家各逞己見，以駁前註之誤，而原文中虛字無人研究，不知是經精義，盡在無字句中，若不求之於虛字，則仁者見仁，智者見智，而仲景之旨，永無發明之日，讀是經者，必先將經中虛字，潛心細玩，如讀一之字，須知其所指何病，讀一而字，須知其所變何證，讀一若字，須知其從某病轉出某病，讀一者字，須知對面爲何病，反面爲何病，前面後面傍面裏面爲何病，到處尋思，前後參觀，則經旨自明，而各註之誤固不待言而喻矣，又如篇中論合病併病，合併二字之義，迄無知者，喻嘉言以秦併六國解併字，其意欲明字義，而言之未確，不能中肯，蓋二經受病同是寒邪，則寒與寒合，三經受病同是熱邪，則熱與熱合，故謂之合病，二經受邪一寒一熱，則寒與熱不合，而同時發病，故謂之併病，此等字義，不加研究，則所論之證，爲寒爲熱也，已不分晰，如何能解仲景之文。

是書三百九十七條，承接一片，前呼後應，傷寒傳經，中風不傳經，內經論傷寒傳足六經，本論傷寒兼及手經，讀者必須辨明經證，如中風病與桂枝證，少陽病與柴胡證，或以湯名，或以經名，其經如何分辨，宜細玩之。

是書雖以傷寒論命名，而六氣無弗論及，可謂寰球第一辨證之書，俗醫每以此書爲專治傷寒誤矣，蓋醫不難於定方，而難於辨證，醫聖作此書，所以教人辨證也，不讀是書，卽不知病在何

經，不識證爲何證，以藥試病，實醫界之通病，借是書自晉王叔和編次以來，千數百年迄未發明，註家各執私見，但欲借此以自炫，而不辨之於經證，是以後學鮮得眞解，反以聖經爲古方書，不宜於時病，中醫不兢，職是故爾。

太陽篇上

太陽之爲病，脈浮，頭項強痛，而惡寒。

問曰，何謂太陽。

答曰，太陽者，足太陽經名也，膀胱其腑也，其經起於目內眦睛明穴，上頭下項，循背至足小指外側。

問曰，此節各註家，皆曰係風寒兩傷之總綱，是否經義如是耶。

答曰，否，此節係論寒邪直中太陽經營衛之脈證也。

問曰，此節既是論寒邪直中太陽經營衛之脈證，何以不曰，太陽傷寒之爲病，而必曰太陽之爲病，何也。

答曰，太陽統營衛，而主皮毛與肌腠，寒傷皮毛者謂之傷寒，如第三節，風中肌腠者謂之中風，如第二節，論寒傷皮毛者，本可謂太陽傷寒之爲病，今此節既非論傷寒，又非論中風，係論寒邪直中太陽經營之脈證，故不能曰，太陽傷寒之爲病，而必曰，太陽之爲病。

問曰，何以不曰太陽爲病，而必曰太陽之爲病，用一之字何也。

答曰，之字，指寒邪中太陽經營衛而言也，凡風寒暑濕燥火，傷太陽者，皆可謂之太陽爲病，

今此節，係單論傷寒中太陽經營衛之脈證，而非總論風寒暑濕燥火傷太陽者，故不能曰太陽爲病，面必曰太陽之爲病。

問曰，何以脈浮。

答曰，寒邪入於太陽經衛分，則脈鼓而不下，故脈浮。

問曰，何以頭項強痛。

答曰，寒邪入於太陽經之營分，邪氣隨營氣上升於頭項，阻其營氣不通，則痛，寒邪入營，寒則經急，故項強。

問曰，何以不曰頭痛項強，而必曰頭項強痛。

答曰，頭痛項強者，謂頭但痛而不強，項但強而不痛，今頭項強痛者，謂頭痛如破，不能左右，不但頭痛，並頭亦強也，項之經，與頭上之經相連，謂不但項強，連頭亦隱隱作痛也，故不曰頭痛項強，而必曰頭項強痛。

問曰，何以惡寒。

答曰，寒邪由毛竅，而及於太陽經之衛分，太陽經外之衛氣，被寒所阻，不能出以衛外，故惡寒。

問曰，何以不曰頭項強痛惡寒，而必曰頭項強痛而惡寒，用一而字何也。

答曰，寒邪入於太陽經之營衛，則當脈浮，頭項強痛，不當惡寒而惡寒者，以毛竅內之寒邪，阻其太陽經之衛氣，不能出以衛外也，用一而字，乃轉語詞也。

問曰，內經云，人之傷於寒也，則爲病熱，熱雖甚不死，今此節，既論寒中太陽經之營衛，何以身不發熱也。

答曰，寒傷皮毛，元府閉塞，衛氣不能散發，鬱於皮膚之內，故發熱，今寒邪已入於皮膚之內，而及於太陽經之衛分，但衛氣被阻，不能出以衛外，故但惡寒，而身不發熱也。

問曰，同係寒邪入於太陽經，何以。內經不曰頭項強痛，而必曰，傷寒一日，頭項痛，腰脊強何也。

答曰，仲景承內經而言，並補內經之未備，仲景所論此節，係寒邪直中太陽經之營衛，內經所論者，是傷寒傳經，寒邪先傷皮毛，邪由毛竅傳於太陽經之營分，毛竅中之寒邪，被衛氣鬱而化熱之邪氣，入於太陽經之營分，邪氣隨營氣上升於頭項，營氣不通則痛，故曰頭項痛，餘在毛竅未化熱之寒邪，入於太陽經之營分，被已化熱之邪氣，阻於下，寒則經急，故腰脊強，內經所論者，是傷寒傳經，仲景所論者，是寒邪直中也，故不能曰，頭項強痛而惡寒，而必曰，傷寒一日，頭項痛腰脊強也（未完）

▲傷寒要略

張蘭亭編

自序

蓋聞國以民爲本，民以食爲天，故人飲食不節，寒暑失宜，病之所由來也，豈淺鮮哉，是以古之聖人，憂民之隱，痛民之深，防民之疾，惟恐飲食之餘，一有不慎百病叢生，輕者纏綿於身形，重則

幽居於泉壤，瞻之慘目，思之傷心，緣之製藥立方，察色辨脈，活人濟世之念，有不能自己者焉，是以夙興夜寐，輾轉而思，務期盡善盡美，以求壽世壽民，非生知大聖而能若是者乎，此吾人所宜效法者也，昔范文正公云，吾不能爲良相必爲良醫，然醫能活人相能救國，可見存心以德立志以仁，由此觀之，先聖後賢其揆一也，且夫當此國際蝸蟻之秋，正人心見異思遷之日，是飲水而不知源，故捨本而偏欲逐末，是以間色盈於目，鄭聲充於耳，羣言淆亂，跖犬吠堯者，辨之而不勝其辨，非之而不勝其非，挽救無策，惟有撫膺長嘆而已，緣思聖道不彰，處士橫議，而子輿氏出，楊朱始息，內經日晦，庸流妄談，傷寒論著而醫道修明，是孟子有功於仲尼，而吾人亦當思有功於仲祖也，仲祖自序曰，若能尋余所集，思過半矣，每味斯言，常欲發憤忘食，樂以忘憂，以古經聖訓同寢食，幾經二十餘寒暑，雖則未至目無全牛，而遊刃尙在，紫色不致亂朱，鄭音不能亂雅矣，因知傷寒論三百九十七法，法外有法，一百一十三方，方外有方，眞如循規有法，履環無端，仰彌高，鑽彌堅，瞻前忽後，有欲罷而不能者焉，自知駑駘下乘，樗櫟庸材，本不敢著書以問世，何來風雅以宜人，總欲拯救衆苦，恨無寶筏慈航，既不願託諸空言，必須求之實學，於人可救，於己方安，此數十年之微志，猶欲自勵也，然而醫書雖多，莫如衷聖，辨論浩繁，何若就該，既易於諷詠，不難於記憶，是吾有傷寒論淺歌之作也，原文備於前，淺歌列於後，經旨不違聖訓尙在，已意不敢妄加，注解仍其舊貫，務使讀者順口，閱者銘心，文詞雖不求鴻富，義意必本乎淵源，昔時每畏其難，此日正喜其易，是天處雖高，有堦可及，聖道廣大，得路而由，於仲師總未有功，於治療不無小補，從此日就月將，聖賢之道願學，焚膏繼晷，長沙大法堪通，不圖盡如人意，但求無愧我心，至於

音韻不協，工拙亦不計耳，知我諒我，是爲序。

▲傷寒要略目錄

傷寒指掌內附列左

六經從標從本從中擇要

傷寒雜證八十一則內附列左

六經標本中見擇要

六經提綱經脈所走擇要

藏府標本中見擇要

六經雜證七十二種擇要

發熱

惡寒

惡風

寒熱往來

潮熱

自汗

盜汗

頭汗

手足汗

無汗

頭痛

項背強痛

頭眩

胸脇滿痛

心下滿

腹脹滿證

少腹滿

煩熱

虛煩

煩躁

懊憹

舌苔

吐衄

嘔噦

咳嗽

喘證

嘔吐

悸

渴

振

戰慄

四逆

厥

鄭聲

譫語

短氣

搖頭

瘕瘕

不仁

直視

鬱冒

動氣

自利

肉瞤筋惕

熱入血室

發黃

發狂

霍亂

蓄血

勞復

兩感傷寒

陽證

陰證

陽證似陰

陰證似陽

陽厥

陰厥

結胸

痞氣

惡熱

發斑

身目黃發斑

黑斑

咽痛

身痛

腹痛

身腫

耳聾

踈臥

奔豚

咽乾口燥舌澀

瘵病

撮空證

陰陽易

狐感證

下利滑脫下利膿血

戴陽證

陰毒燠法

陰厥葱熨法

水漬治陽毒法

撲粉止汗法

傷寒傳經脈証指掌

六經脈證辨

六經證治擇要

傷寒五藏受病歌

傳經要訣一

傳經要訣二

傷寒死證死脈歌

傷寒要畧附註

傷寒指掌

醫始黃帝，藥始神農，仲聖傷寒一出，我國醫道修明，立論上合天之六氣，（六氣者，風寒熱濕火燥也），法則下本地之五行，（五行者，金木水火土也），是以不明六氣標本中見，何能洞悉斯論，（六經六氣，各有標本中見，宜細玩之），若非熟諳五行生尅制化，豈可審視病情，（五行生

尅制化，陰陽勝衰，當細審之），少陽之上相火治之，中見厥陰，（六經之氣，以風寒熱濕火燥爲本，三陰三陽爲標，本標之中見者爲中氣，中氣者，如少陽厥陰爲表裏，陽明太陰爲表裏，太陽少陰爲表裏，表裏相通，則彼此互爲中氣，義出六微旨大論），厥陰之上風氣治之，中見少陽，（藏府經絡亦有標本，藏府爲本居裏，十二經爲標居表，表裏相絡者爲中氣，所謂絡者，乃表裏互相維絡，如足太陽膀胱經絡於腎，足少陰腎經亦絡於膀胱也，餘皆仿此），陽明之上燥氣治之，中見太陰，（經云，陽明之上燥氣治之，中見太陰），太陰之上濕氣治之，中見陽明，（太陰脾也，陽明胃也，脾與胃爲表裏，故曰中見也）（未完）

▲咽喉論

張靜齋著

夫咽喉者，是爲吾人飲食聲音呼吸最要之關也，然咽喉之名稱，不能合併而爲一物也，蓋咽爲食管，是一條而形粗，套氣管於內，主飲食也，喉爲氣管，是兩條而形細，上行至食管之前廉，合併如一，在會厭之下，主氣息也，此處之構造，可曰前後不可曰左右也，是爲咽喉之明辨也，若當春氣發萌，內有冬月積熱不清，復外感風邪，寒熱相混，風火相搏，寒濕相激，或虛或痰或毒等之內因外邪，偶若不慎，最易有咽喉惡證，甚爲凶險，可不畏哉，而現屆醫學振興之時，今將喉病初起之證狀，及諸證之危險，略而言之，以助研究之興趣，並望喉科學高明者多指教焉。

▲咽喉病危險狀

初起之時，作寒發熱，喉內或微痛，或不痛，甚則頭痛，口渴，大便秘結，小便秘澇，與傷寒證同，宜注意，而在此之時尤宜審察，病之爲熱，爲風，爲寒，爲虛，爲實，爲濕，爲毒，等等之發因，而爲熱則清之，爲風則疏散之，爲寒則溫之，爲虛則滋補之，爲實則瀉之，爲濕則利之，爲毒則解之，諸證不出此理，並分陰證陽證之異，並診脈之浮沉遲數滑澇大緩，以分別治法。（未完）

★ ★
雜 誌
★ ★

▲論傷寒初起無汗之原因

趙瑞升

夫傷寒初起，邪在太陽，初而無汗，寒侵於營故也，蓋太陽乃六經之表，主皮膚而統營衛，是風寒受病之始，表氣不堅，寒邪襲入，閉塞於營衛之間，是以無汗，邪正交爭，故脈浮惡寒，太陽違屬督脈，而上及風府，頭痛項強，於是生焉，古聖以此爲劇也，然長沙之法有定，而病之變化無定，立方一百一十有三，其中熱實寒虛，溫清補瀉，無不備載，後學必以明思博考，窮其窔奧，凡操刀圭者，臨時不除，初起之邪豈不傳變也哉。

▲溫病疫病分別說

前 人

風寒伏鬱，化而爲溫，戾氣激盪，傳而爲疫，相類而不相同也，何則，然溫者春爲正令，原係冬傷於寒，邪藏皮膚，冬不藏精，邪伏募原，至春少陽氣生，同時發動者春溫也，秋伏躁氣而感者秋溫也，冬失正令而感者冬溫也，傷寒發汗已，身灼熱汗出者，風溫也，狀皆相似，惟以時別之耳，疫者感天地之厲氣，邪從口鼻而入，溷淆於肺胃，擾亂於三焦，卒然發動，逢人呼吸接觸，傳染甚速

，蓋溫者寒熱失調，疫者瘴嵐菌氣，溫發熱由緩而急，脈浮兼數，疫發熱由急而變，脈沉兼數，溫有定數，疫變百出，溫疫二者，初異而後同，大法終不離救津爲本，方不失其效也，所區別之點，只在一傳，一不傳也已。

▲溫病淺說

費子彬

按春溫一證，不可拘於一種也，如冬之傷寒，秋之傷濕，夏之熱病暑溫，同一理也，夫溫病者，冬月之伏氣病也，受之於冬，發之於春，其遲者則發之於夏，發於夏至節前者，謂之病溫，夏至節後發者，即謂之病暑，如至春而發者，是春溫也，然春溫一病，其病之原因有二，一爲去冬之伏邪，至春而發，一爲現受之風邪，激觸而發，多傷於寒，不能即發，謂之伏氣，至春而發，汗出身熱，謂之風溫，醫者詳明陰陽，施治無誤，錯認陰陽，時日遷延，變端百出，蓋伏氣者，係去年冬月，精不固藏，或起居不慎，傷於寒邪，當時即病者，即爲傷寒，乃其時身強能耐，寒邪內侵，伏而不發，及至今春，受春氣之激觸，致動伏邪，伏寒而化熱，故其熱勢，自內達外，風溫者，春日時令溫暖，氣候和暄，腠理開泄，皮膚不固，乃寒熱不時，乍熱乍寒，更衣不及，風邪外侵，初由口鼻吸入，首先犯肺，咳，逆傳於心包，或留於三焦，其伏邪欲出而不能，即反行內竄，如在初起之時，憎寒壯熱，胸煩悶，口乾舌燥，頭暈而痛，口微渴，骨節疼痛，不惡寒或微惡寒，脈浮數，此時當發其汗，如先用葉氏吳氏之清解法，溫邪內陷，則病轉重，而風溫之證，頭痛惡風，微咳有汗，胸悶氣窒，過一日許，汗多身熱惡熱，不可用汗下法，可清解，如內經曰，冬不藏精，春必病溫，

傷寒曰，冬時嚴寒，萬類深藏，君子固密，則不傷於寒，皆溫病之先徵也。

▲婦人懷孕乳子之時月經停止之原理

宋向元

此民國十八年舊作也，曩昔習醫時，既投拜本會首席陳師澤東門下以鑽研古籍，復遙從蘇州女科專家王師慎軒以兼證新知，此稿經王師刊載於婦女醫學雜誌第六期，民國二十年，復經編入中醫新論彙編中，謬蒙獎許，並繫以評語，闡明天癸之新義，洵足以發岐黃之秘，而為國醫界一吐氣也，今本刊付印在即，鄙人以俗務過繁，未暇撰稿，爰錄舊篇，濫竽刊末，非有意於互相標榜也，謹識。

西人近日發明內分泌學說，已為舉世公認矣，其說謂人體中有內分泌腺，其分泌之腺液，隨血流行週身，而成種種生理現象者也，而吾國惲鐵樵氏，亦曾有全身腺體，皆是一個系統之創論，大意謂全身各腺，皆能互為影響，試觀童伶之倒腔音嘶者，恆由於未至青春期而斷喪太早，乃生殖腺與喉頭扁桃腺之影響也，他如女子患瘰癧者，初起即不月，是生殖腺與甲狀腺之影響也，觀此則各腺皆有連帶關係，此崩彼應，直是一個系統，此說亦為醫界公認矣，是則婦人因妊子授乳，而停其月事者，亦何莫不可以前理證之，嘗讀近世婦人科學，謂內分泌與婦科有極大之關係，卵巢之發育，月經之排泄，胎兒之生長，乳汁之輸化，莫不由於內分泌之作用，夫女子既受胎後，胎兒所以漸次發育者，實賴內分泌之作用，其內分泌既顧胎兒，便不能再顧月經，所以月事不能時下也，雖有妊子仍見月經者，是特例耳，蓋由於生殖腺液分泌之盛旺也，既產之後而亦無月經者，因內分泌既顧乳腺之分泌乳汁，便不能再顧月經，凡此生理現象，皆由內分泌為之主宰者也。

▲附錄王慎軒先生評語

作者學貫中西，識超元黃，故能闡明斯理，誠非庸庸者所能望其項背矣，第以余之研究，西醫所謂之青春腺，卽內經所謂之天癸也，前人誤以天癸爲月經，已經門人汪秋元撰論辨明於前，復經門人萬繼羣撰論辨明於後，毋庸余辨矣，惟前人又以天癸卽男子之精子，及女子之卵珠，亦屬誤也，試觀內經天真論曰，女子二七而天癸至，任脈通，太衝脈盛，月事以時下，乃知天癸與月經爲兩物矣，然余觀內經之論男子，既謂天癸至，又謂精氣溢泄，則天癸與精子，豈非亦屬兩物乎，惟高思潛謂，天癸是促進精子卵子發育的要素，就是腎中一陽之氣，此說已知天癸非精子卵子矣，但所謂一陽之氣，未免近於玄虛，且古人以壬屬陽水，癸屬陰水，何以一陽之氣而反名爲天癸乎，殊不知天癸至者，實卽腎上之青春腺，已經發育，充達於卵巢畢丸之中，成爲生殖之要素，能催促卵珠精子之成熟，於是男子得以精氣溢瀉，女子得以月事時下，陰陽合而有子矣，若剔出腎上腺，能使精子卵珠不得成結，以致不能有子，此其明證也，此腺液從腎上而來，故名天癸，及至懷妊，則腺液養胎而催促胎兒之生長，及至乳子，則腺液催促乳汁之充盛，故皆月經不至矣，是西醫最近發明之學說，而我中醫早已發明於四千餘年之前矣，惜乎後之學者，不求進步，不事研究，以致大道日衰，漸至寢亡，豈不深可悲哉，吾願同志諸君，速起努力研究，勤求進步，俾得發揚國粹，振興中醫，誠爲至要也。

▲針灸論

紀良臣

療疾之速，莫過於針，其功如神，勝於湯液，古語云，一針二灸三服藥也，自上古時代，吾國發明醫學最早，始神農嘗百草而辨藥性，草木金石分寒熱溫平，酸苦甘辛鹹合人臟腑，有升降浮沉之能，君臣佐使之配，治療民病極其奧妙，而其功效，不及針灸之神速，故而岐黃發明針灸之法，按陰陽五行合週天三百六十五度，以分穴竅，功效勝藥百倍，治療病疾，無不立起沉疴，可稱濟世之妙術也，古之針以石，出於東海，內有一高峯山，山上之石形如白玉，生自圓者，磨之有鋒有銳，可以當作針用，此係砭石是也，然後學因便利起見，用金銀銅鐵替代，其形之別分爲九種，鑿針，圓針，鏃針，鋒針，錐針，圓利針，毫針，長針，火針，此九針之形狀用法有九，人皮應天，人肉應地，人脈應人，人筋應時，人聲應音，人陰陽氣應律，人齒面目應星，人呼吸氣應風，人九竅三百六十五絡應野，故一針皮，二針肉，三針脈，四針五臟之筋，五針骨，六針調陰陽，七針應精，八針除風，九針通九竅，三百六十五節氣，而應乎天也，凡治雜證者，以開八門穴爲最要，然後可以隨證選取雜穴，按經施針，臟腑經絡之邪，無不立除，究原會俞募以合標本，四關三部而合八法，以生成之數能探奇經奇穴，并榮俞經合以合五季，十二經穴能使流注開闔，表裏陰陽提按之法，禁忌人神尻神，精針灸者，當詳細考查，針路能明，男女老幼之疾愈明，必須觀形察色，四診相合，認明何證，必定其神，則可針刺，或用艾灸，用補瀉遜隨，而灸刺之法，各有不同，有按正穴刺者，有按散刺者，針灸雖有神妙，但須精其學耳。

▲霍亂陰陽說

王紹蔭

經云，清氣在陰，濁氣在陽，營氣順行，衛氣逆行，清濁相干則爲霍亂，蓋霍亂之論，由平日起居寒熱不調，或食生冷水穀不化，臍鬱腸胃，上下氣阻，使之吐瀉也，兼以感則身熱頭疼，胸膈煩悶等證，陰者乃乾霍亂也，邪氣深入聚於胃脘，其胸腹絞疼，欲吐不吐，欲瀉不瀉，煩燥悶亂，四肢逆冷，俗曰攪腸痧，故霍亂之稱有濕乾之分，濕霍亂死者少，因其所受之邪，得以出瀉，雖重能愈，乾霍亂死者多，因其上不得吐，下不得利，擁閉正氣，陰陽煩擾，毒邪無所出，故喘脹而死也，嗚呼，飲食必須有節，起居要有常，可避霍亂之病矣。

▲霍亂淺說

朱世恩

夫霍亂者，以其心神不清，揮霍撩亂，反覆不寧，或吐或瀉，或不吐瀉之謂也，然該證之原因，不外於風寒暑濕之邪，飲食不慎所致，其外邪之中於人也，先入皮毛，由皮毛反攻孫絡，由孫絡反攻絡，由絡反攻經，由經反攻腑，由腑反攻臟也，然何其反攻之速也，蓋夏月人之元氣發洩於外，表氣開放，卒中外邪，其邪由毛孔而入，衛氣不能抵禦，故其反攻之速也，夫邪氣既中於外，食水又停於內，相搏於腸胃之間，清濁相干，邪正交爭，發現吐瀉，即名曰霍亂也，然霍亂却有二種，一曰陽霍亂一曰陰霍亂，陰霍亂者，吐瀉不出，心腹絞痛，身冷肢厥，兩腿轉筋，其邪在於臟，即絞腸痧也，陽霍亂者，心腹疼痛，或吐或瀉，或吐瀉交作，身熱口渴，名爲陽霍亂，其邪在於腑也，

此霍亂陰陽之淺說也。

▲小兒結胎構造說

劉德旺

凡男子精力健壯，成孕倍易，若精出不熱，精水稀淡，成孕必難，或陽莖受病，楊梅結毒，皆不成孕，女子陰中受病，子宮受病，子管閉塞，子核有恙，核無精珠，概不受孕，子核之內，裂一珠成一孕，裂雙珠成孿生，如婦人中年病死，剖驗子核，可知其生前受胎次數，結胎構造，男有三至，女有五候，男無病女無病，男子精力健壯，女子經水適宜，經水適宜者全在顏色，所分有三日淨身者，有五七日淨身者不等，鮮紅者無病也，淺淡而少者不及也，紫黑而多者太過也，金色者佳也，應時交媾無不受胎之理也，受胎數日，成一胚珠，內係清水，無物無形，至十二日胚珠大如白豆，重二三釐，珠胞之外發生絲毛（如水浸飯粒久而生毛之狀），剖之見雙膜，包含清水，始有小物，兩粒浮其中，一圓一長，長者漸變形爲人，積日彌大，卽名曰胚，圓者養胚之物，積日彌小，及生胎盤則茫然烏有，歷二十日胚珠漸大，珠內胚形如大蟻，重約一分長約三分，似有頭身之意，至三十日珠內胚形，長四分大如牛蠅，身首顯然，可見首上具有眼模，四十五日胚重一錢長八分，臍帶始生萌芽，頭上有口，初見四肢臂股，六十日足手皆全，骨點始生，上有耳鼻下有肛門，是爲受形之始，長寸許，六十五日腹內粗有五臟，九十日見全形男女可辨，長二寸許重二兩許，胎盤成由是大，至四月週身內外皆備，重五兩五錢，長四寸，五月長五寸，孕婦始覺胎動，六月長六寸重十三兩，髮甲生，七月長八寸，骨節粗成，壯者生出可活，八月長尺一寸，重五十兩，卵子由腹落至腎

囊，九月眼始開，長尺二寸，十月胎足，重五六斤，人具百體心最先生，及終世之時，百體先死心死最後，嬰兒在胎之日，肺小肝大，不須呼吸地氣，其血色及運行功用，皆與出胞外者不同，血頓更改而運行，造化之工妙，如此。

▲論婦人生血之原因

劉松林

夫人之血，發於心脾，不指臟腑言何也，蓋陽明爲多血之經，其生血之原，實因水穀之精氣，賴心火煅煉而成血，究其津汁滲膀胱，而分清濁，清者上升，入肺化氣，入心化血，濁者出而爲溺，以致由心布經，循環無息，憂愁思慮傷心，困及其子，不思飲食者，血無以資生，陽明病矣，經云，前陰總宗筋之所會，會於氣衝，而陽明爲之長，故陽明病，則陽事衰而不得隱曲也，太衝爲血海，並陽明之經而行，故陽明病，則衝脈衰，而女子不月也。

▲咽喉痛論

劉金詔

咽喉之證，多生肺胃，然而肺之關胃之門，乃一身之緊關橐籥也，蓋其證根於少陰，原水不勝火，炎氣上升之故，經曰，足少陰所生病者，口渴舌乾，咽腫上氣，噎乾及痛，素問云，邪客於足少陰之絡，令人咽痛，不可納食，又曰足少陰之絡，循咽喉嚨通舌本，凡喉痛皆少陰之病，但有寒熱虛實之分，少陰之火如奔馬，逆衝到咽喉緊鎖處，氣瘀結而不得舒，故或腫或痛也，其證必內熱口乾，面赤，痰涎湧上，其尺脈必數而無力，蓋緣腎水虧損也，相火無制而然。

▲理想的天老研究

楊子明

人類皮膚所含之色素，因人種而各別，輕不容易消失，如某一部份消失，其色必變純白爲斑點狀，其原多因年老皮膚鬆懈，空氣襲入，變生無數極小空隙，或因汗後穿着曝於日下之衣所致，然此尙爲藥物所能治療，惟自有生之初，皮膚毛髮，即盡蒼白，至年長而無變化者，俗稱之爲天老，彼天老之人，動作與常人無甚差異，但以膚色特別，令人觀之實爲不美，爲彼天老之人父母者，亦不能無憎焉，凡人遊歷山川名勝，腦神印象正新之際，所生子女多艷麗優秀，天資聰明，兩馬媾合，被以花布，所生之馬，皮毛花樣，常與布花相似，由此以觀，俗人若不避日月星三光游行媾合，不免生子女天老之說，或生妖怪，亦較可靠，以日光爲純白，月星雖非純白亦非黑色也。

▲瘧疾病原說

曹樹芸

且夫瘧證之狀，初發熱之時，身體困倦，有先冷後熱者陰也，先燒後冷者陽也，緣風邪客於少陽，與陰爭則冷與陽爭則熱，既至汗出而暫愈，或每日發，或間日發，或間二三日一發者，亦有初起每日一發，漸變爲間日發者，或有日發二次者，其發作歷時久暫不定，大約發寒一時，發熱亦一時，出汗亦一時，共歷三時而病退，此其常也，有初起寒熱劇汗多者，漸變爲寒少熱多者，亦有寒熱俱劇而汗少或無汗者，有久瘧不愈，略見寒熱，得微汗而暫愈者，如此纏綿經年者，大抵有寒有熱，總以消陰制陽益火壯水之法，爲治瘧之準則也。

▲霍亂瘟疫證診治之辨別

劉廷文

按霍亂之證，分陰分陽，或飲寒食冷，或感受寒暑，皆生此證，初起之時，脾胃不和，清濁相干，上吐下瀉，肢體酸疼，腰背拘急，寒火凝滯，肚腹絞痛等證，如祇吐不瀉者，速將曲尺金津玉液等部，刺破出血即可痊，祇瀉不吐者，即將委中部刺破出血，再將下腕穴針行一伏時亦可愈，如週身涼，腹痛，腿肚轉筋，急針曲尺委中三里承山四穴，其痛立止，內服霍香正氣湯，如吐瀉不出，是爲陰霍亂，不可針刺，可用艾火灸關元穴，亦服霍香正氣湯，加附子肉桂木香沉香厚樸之類，亦可痊愈，如誤用針刺放血，則死矣。

▲溫病疫病分別說

張振芝

論溫病乃冬傷於寒，不即發現，伏於膜原，至春陽初升，復感於風而發者溫病也，疫病者，因受四時徧邪，及天地戾厲不平之氣也，春應溫而反寒，夏應熱而反涼，秋應涼而反熱，冬應寒而反溫，非其時而有其氣者，此爲疫病也，然溫病之發緩，疫病之發暴，故治溫病較易，治疫病較難也。

▲溫疫論

王允莊

溫者溫也，是伏氣，疫者役也，是厲氣，其原因不同，故其病亦異也，經云，冬傷於寒，春必病溫，又曰，冬藏於精者，春不病溫，仲景論云，太陽病發熱而渴，不惡寒者爲溫病，如後世所云，春

令之春溫，風溫，夏令之熱病，長夏之暑溫，暑末秋初之濕溫，冬令之冬溫，皆伏氣也，乃知溫之爲病，感受四時之常氣，疫之爲病，感受天地之厲氣，疫氣之來，無論老幼強弱，觸之即病，其穢濁之氣，自口鼻而入，先受於上，次傳中下，故傳染甚速，其邪氣所客，內不在臟腑，外不在經絡，舍於伏膂之間，腸胃之後，去表不遠，附近於胃，乃表裏之分界，是爲半表半裏，即內經瘧論篇所謂，橫連膜原者是也，凡邪在經爲表，在胃爲裏，今邪在募原者，正當脾胃相近之所，故爲半表半裏，其熱淫之氣，浮越於某經，即現某經之病，凡人口鼻之氣，通於天氣，本氣充實，邪不能入，經云，邪之所湊，其氣必虛，呼吸之間，外邪因而乘之，與人身之真氣相搏，一有所着，氣血爲之驟變，且此病之成，非祇一端，如氣也，火也，邪也，三者混合，正氣受其侵迫，惟任疫毒所消燬，正治之法，但以驅邪爲先，不可誤用汗下也，故曰溫疫之病，受病之原因不同，診治亦各異也。

▲傷寒與疫厲之分別

秦深泉

傷寒之爲病，傳變多端，治法雖稱詳密，然苟於營衛氣血，以及六經見證，辨認稍有不清，則死生易如反掌，冬月驟感爲傷寒，四時則有新感與伏氣之分，然感冒傷風則有汗，凜冽傷寒則無汗，風傷衛分，寒傷營分，傷衛則宜助陽以發表，傷營則宜開腠以驅寒，人有虛實，病有深淺，無論合病併病，要以見證眞而診斷確，對證用藥，隨機應變，斯無遺情，蓋傷寒發熱惡寒，腰痛脊強，病在太陽經也，身熱鼻乾不得眠，病在陽明經也，胸脇痛，耳聾，口苦舌乾，往來寒熱而嘔，病在少陽

經也，腹滿噎乾，手足攣，口微渴，或自利不渴，或腹滿時痛，病在太陰經也，引衣蹠臥，惡寒，或舌乾口燥，病在少陰經也，煩滿囊縮，病在厥陰經也，傷寒之邪，若在陽經氣分，則太陽爲先，其脉浮，輕手可見，若入陰經血分，則少陰爲首，其脉沉，重手乃得，浮之有力無力，可決表之虛實，沉之有力無力，可決裏之寒熱，中之有力無力，可決表裏緩急（未完）

▲傷寒初起無汗之淺論

李錫卿

陰陽大論云，春氣溫和，夏氣暑熱，秋氣清涼，冬氣冷冽，此四時之正氣也，四時之氣，皆能爲病，惟寒邪爲病最厲也，又云，冬時嚴寒，萬類深藏，君子固蜜，則不傷於寒，觸之者乃名曰傷寒，寒邪之病，由淺而深，病時其邪當在表，表者乃太陽膀胱經也，傷寒有三陽三陰，六經傳變之別，太陽爲六經之首，外主皮毛，而統榮衛，又主人身最外一層，太陽之脉，連同風府，上行頭項，下循夾脊，抵腰至足，循身之背，故病時頭痛項強，寒爲陰邪，寒邪中人，表氣先受，表氣受邪，則衛氣不固，衛氣不固則腠理閉塞，傷寒初中之際，人原有伏熱，『俗云人無內熱決不受外感』，寒邪客於肌表，尙未深入，內不得通，外不得泄，寒束於外，熱行於內，熱被寒逼，寒熱相爭，故而人初病時，身作惡寒，戰慄無汗，凡几然身如繩縛，其脉當見浮緊，宜用發表之劑，得汗則瘳，傷寒言論極廣，今祇就初病無汗者而言之也。

實 驗

實驗証

吳香圃

客冬，河北五馬路北首太吉里住戶劉姓婦，年二十八歲，懷孕六閱月，因與其鄰邱姓婆媳口角，繼啓互毆，致傷胎氣，雙方同赴北五區，擬將請送法院，經區長詢明，劉姓婦胎已受傷，勢將小產，腹部下墜作痛，流血不止，弗克動轉，當令速赴馬大夫醫院救治，而劉姓婦欲請余診治，經坊長調解，區長贊同，時已夜深，叩門求診，余辭弗獲，當往診得劉姓婦，脈象沉而小滑，左關微帶鬱滯，證屬怒氣傷肝，胎氣受傷，五行之土，五常之信，下血不止，腰腹齊痛而下墜，週身不能動轉，大有半產之勢，余即擬安胎扶脾之劑，囑其速服以救萬一，如服此漸痊，則保全胎母雙命，兩造幸福也，擬方列下。

西當歸 五錢 台參 三錢 杭白芍 三錢 炒雲茯苓 四錢 熟地黃 四錢 砂仁 炒 阿膠珠 三錢 川續斷 二錢 酒炒桑寄生 三錢
條芩 二錢 土白朮 三錢 炙甘草 錢五 炒荆芥 八分 生姜 一片 引水煎服

翌日復請余診治，則脈象浮數而滑，大有胎氣復元之象，詢問妊婦，據云腰腹尙有微痛，血止大半矣，余又擬一方。

西當歸 五錢 杭白芍 二錢 炒酒杜仲 四錢 川續斷 二錢 酒炒阿膠珠 三錢 桑寄生 三錢 台參 三錢 雲茯苓 四錢 炒
條芩 二錢 土白朮 二錢 炙甘草 錢五 廣砂仁 錢炒 中生地 四錢 生姜 一片 水煎服

照此方連服兩劑，豁然痊愈，胎母安全矣。

▲眼科雜證淺論治法

李文彬

脹痒因風，諸痛皆火，目爲肝竅，肝藏血，肝火盛則血熱，溢於肝竅，故紅腫而痛，兩鬢皆脹者風也，新起必脹，乃時眼兩胞屬脾，脾濕不行，故胞腫多淚，肝之液爲淚，目有病自有淚，若眵濃堆高者，是濕熱之毒，宜清熱解毒，紅腫必清火，不若清血之熱，微紅宜涼血，不可用苦寒之藥，以致血凝成障。

初患爲時眼，白珠有紅絲微痛者，憎寒發熱身痛，法用清散之藥，左宜荆防湯加減此註

荆芥錢五分 川芎 八分 車前錢五分 蟬退錢五分 防風錢五分 青箱錢五分 菊花 二錢 秦艽錢五分 蔓荊 二錢 赤芍 一錢 生地 一錢 蘇葉錢五分 甘草 一錢 引生姜 三片

▲時症複雜劇烈之治法

近日發現之病症甚多，而形狀亦甚危，大人則頭疼胸悶不食，身作寒熱氣喘神昏，小孩則身乾熱，頭疼如刺身出瘰子，或赤或白或出痘疹，種種不一皆甚難治，誤用涼藥，多致不救。

編者按，近日所治以上諸症，頗費思索，察其原因，係去歲暑末時之溼邪，被秋時涼風所收閉，至冬月未甚寒冷，而今春寒冷之時期又甚長，時而反溫，時而暴冷，所受之邪不一，故病之現象亦不一，主治之法，先解表驅邪，可獲痊愈，若先用涼藥，則毒邪內陷，反竄心包即致死亡，吾同道諸君，幸注意焉

陳澤東識

瑣聞

▲醫界無味訴訟

市隱來稿

近有從關東來了一人，求診於余，談及黑省城內有一訟案，甚是無味，據云，一張某業中醫，一朱某業西醫，二人並不相識，忽一日皆往一家賀喜，貪飲酒大醉，朱某就大誇他西醫法高妙，並謾罵中醫無用，張某聞聽大怒，亦對面大罵云，我們黃種人皆是黃帝子孫，我們中醫，是祖述黃帝的遺法，以保護我們同胞爲營業，我們這種營業，有幾千年的歷史，要不是嫡派種族，不得混亂胡攪，你們這學西醫的，多係賣國奴的性質，代替外國銷藥材取利，剖割同胞爲試驗品，要想把我們世代相傳的熟飯，奪了去充你們的饑腸，若按法律說，你當得侵佔罪，朱某聞聽更怒，氣得暴跳，一脚將桌椅踢倒，手指張某大罵云，你們這中醫，皆是一羣老腐敗，怎麼亦餓不死你們，就說你們那種學說，又是甚麼六氣啦，五行啦，相生相尅啦，左肝右肺啦，肝藏魂肺藏魄啦，全是空空洞洞，渺渺無憑，簡直的是賺人，若按法律說，你們當得玩忽業務，草菅人命罪，這張朱二人太吵不休，衆人勸解亦無效，竟由警察扭送到法院去了，及到了法院，已竟半夜，在待質所蹲了一夜，酒力也醒了，等到上午九點，開庭審訊，推事問明了起衝突的原因，及肇事的地點，先冷笑了一聲，後亦大

怒云，你們全是醫生，全這麼無出洗麼，得了人家的酒，就捨了命的喝嗎，因為你們無出洗，貪喝人家的酒，喝醉了就來擾亂地方官嗎，你們這中西醫，也不要以仇敵對待，祇要是治好了病，就算是好醫生，必能營業發達，近來你們這小西醫的本事，還不如先年的老西醫了，以人命為試驗品，絕無仁慈之心，恐怕失業，成了餓殍，所以運動勢力，竭力摧殘中醫，希望着把中醫剷除淨了，就無法證明西醫的治法荒謬了，你們這種思想，倘有人心嗎，語云，醫為仁術，不論中醫西醫，總是治病的，救人的，要是抱定了仗恃強權，排除異己，治死人不償命的思想，可就缺了德啦，我先前亦曾迷信西醫，因其衣服時髦，言語伶俐，生像丟秀，較比着那中醫衣服托拉甩掛，言語傾腔頓錯，生像滿面烟油，勝強數倍了，我身前生了三個孩子，兩個男孩一個女孩，在去年春月，兩個男孩先病，渾身乾熱，隱隱有紅點，有人說這須是猩紅熱，就請了一個西醫診治，西醫也說是猩紅熱，扎了兩針血清，又弄了一口袋冰，把頭鎖上，付給他手術針藥各費飽囊而去，次日這兩個病孩，不見輕，身上更熱，眼神離奇，時時譫語，在床上打滾，昨日那個西醫又來，見了這種情形，也說不出甚麼治法來，於是又請了兩個西醫來診視云，這病血壓太高，熱度太盛，祇用平常血清，合這冰鎖頭的輕法，殺不下這大熱去，這後來的兩個西醫，又扎上加倍的血清（須是六零六），又把病孩撤去被褥，擱在光床板上，蒙上絨單子，向病孩身上打冷水，又把冰囊圍在頭合脖子上，又付給他們金錢而去，及至半夜時分，兩個病孩在床上打滾胡言，更厲害了，滾了二點多鐘，忽然大號，噉了數聲，各吐血一碗多，不移時皆絕氣而亡，過了兩天，我這女孩又發現這樣病，合那已死的男孩，初得病的情形，一點亦不差，我就不敢再請西醫了，就請了兩個中醫，用些銀花連翹元參生地

丹皮梔子龜板鼈甲石決明紫石英一些清熱降火的藥，服藥之後病勢忽然加重，次日又請了六十餘歲的一位中醫來診視云，這是疫痧，又名瘟痧，先因天地有不平之氣，從毛孔入腠理，藏在膜原，再被寒風激動，就發現這種病，應該先發表，將痧子表透即愈，若是用鎮熱清熱從潮流俗派那種治法，痧子不出，必定毒反心包而死，說完了就寫了一個方，就是麻黃細辛附子肉桂川柳蛇退猬皮等藥，黃酒爲引，服藥之後，過半夜時分，果然出了點小汗，紅點漸出，至明日又將這老先生請來，又按前方加了點劑量，二次服藥，到了晚九點多鐘時分，周身大汗出，還有臭味，痧子出齊，果然神清氣爽，次日就能飲食，再調理二三劑，霍然痊愈，推事又說，我今年已四十多歲了，身前就祇有這兩個兒子，被西醫治死，至於再能生兒子不能，難以預定（說着眼中落淚），我本有心告訴西醫，又想是吾缺了德，纔迷信這等缺德醫生，祇好自認命苦罷了，這推事又單向張某云，你是一個中醫，未必能如救活我女兒的這個老先生，大約你亦是那一等，拿潮流派涼藥，蒙混社會，龜板鼈甲石決明先生，我是佩服真好中醫，並不是佩服那裝腔作勢，藉端賺錢的中醫，你兩個人不必說誰是原告，誰是被告，總而言之，全是賺人的，這案子不能成立，你們回到家去，另投明師，把真能治病的醫法學成了，再給人家治病，不然就幹別的事去，千萬別繼續着望下再缺啦，你們回去吧，這張朱二氏垂首喪氣而還。

▲醫藥警棒

本刊當創辦伊始出版尙無定期之時即有獎許之信件紛來敝同人等理宜歡迎與感謝豈知所來之信件皆

是醫藥界丟人的事項欲置之不理惟恐投信人在各報紙上攻擊欲按原件披露又恐該惹事的醫藥家有不得了的大禍恨罵本刊不顧同道義氣左右思維得一姑容兩顧的辦法披露其事而不披露其人名以警其將來悛改某女醫會中國針法亦扎注射針自炫其針法精妙有以尺餘長針過梁扎法在今年一月間曾扎死一人經被害人訴至法院押了許多時日方纔出來豈知怙惡不悛漁利心太重又給人家割痔瘡又割死了也起了訴啦

又有某西醫給一小孩扎注射針將針頭折在肉裏又經某醫院將注射處割開找針頭找了許久亦莫找着小孩亦死了也起訴啦

又有某中醫給某小孩治瘟疫（西醫名猩紅熱）初起之時身乾熱頭疼胸悶不食該醫說是火大用了些涼藥次日更熱痧子反回去啦又延原醫至該醫仍說是火大又開了一個大涼藥方未敢照服又轉請某中醫診斷該醫就說這是痧子須把他表出來纔能好呢也是開了些大涼藥並沒有一味表藥吃下去小孩咽喉脖子全腫啦次日即死

某藥店在門櫃抓藥方上寫着一味麻黃該藥店給抓了一味大黃把這藥吃下去不一時就肚子疼一宿的工夫就大便瀉了好幾次明日又把原醫請來該醫說我這方內沒有瀉肚的藥哇就揀查藥渣一看藥鍋內有許多大黃片可就找向藥店裏打起來了經鄰佑調解先由藥店裏賠償診藥費若病人死了再行起訴云

又有某藥店賣假鹿茸經病家看破也是大鬧了一場經人調解將藥錢退給病家纔作罷論

編者按醫藥兩家皆以救人生命爲天職本會組織刊物即提高醫藥程度以實行救濟同胞之宗旨若以救人爲招牌而暗行賺人漁利的工作再有投函報告或經口頭報告無論其爲中醫西醫大醫小醫大藥

店小藥店我就老實給他登露出去不客氣莫謂言之不預也

定 報 價 目 表			
冊 數	國 內	香 港 及 南 洋	歐 美
零售每冊	三 角	四 角	六 角
半年六冊	一 元 六 角	二 元 一 角	三 元 四 角
全年十二冊	三 元	四 元	六 元 五 角

廣 告 價 目 表			
地 位	面 積		
	全 面	半 面	全 面 四 分 之 一
封皮裏面	十二元	七元	四元
封皮底面	十元	六元	三元
正文後	六元	三元五角	二元
			一元五角

郵費在內不另取資郵票代價九五折扣

此表係一期價目登三期以上九折六期以上八折全年七折
 插圖另議
 以上各費一律大洋均須先惠郵票代價以一分或半分爲限

▲新出版醫藥叢書▼

本所張相臣先生以醫藥濟世者四十餘年活人無算且勤於著述備極精審前輯丸散眞方彙錄印行問世不期年而初版告罄遠近讀者莫不交口稱贊謂集吾國丸散眞方之大成茲特重加修訂再版藉廣流傳實爲醫藥專家社會家庭之至寶今將張先生所著各書併列於後以便選購

修正丸散眞方彙錄 二巨册 二元四角

龔奠軒經驗良方 一册 三角

原本加按亟齋達生篇 一册 二角

白喉忌表訣微駁議 合刊一册 三角
白喉問答

外埠購書郵費照書價加一外國加五

發售處 天津法租界同善里二十一號張氏施診所

代售處 天津法租界綠牌電車道世界圖書局
估衣街京萬全堂藥舖

中華民國廿四年三月六日 收到

呈繳

本刊編輯部助理人員

吳香圃	王世珍 <small>紹周</small>	許宗彝 <small>從周</small>	李文軒	劉廷文
李恩第 <small>錫鄉</small>	楊仲生 <small>子明</small>	王懋齋	趙佩衡	于長潼 <small>東川</small>
王世鈞 <small>冠華</small>	戚松年	費子彬	周履安	王樹森
高峻峯	杜文元 <small>筱峰</small>	王鳳墀	朱世恩	李鴻儀
薛少華	劉金詔	張國棟	鮑世慶 <small>雲</small>	孫仲良
張振芝	王仲揚	潘春臺	戴毓琨	雷紹伯
高榮堦	趙靖甫	曹樹芸	劉國明 <small>和子</small>	趙少廷
周硯峰	劉德旺	許硯峰	劉紹庭	戴世棟
王允莊	白桂瀛 <small>洲芳</small>	侯繼志	趙晦堂	秦深泉
谷彩岩	宋向元	蘇寶誠	田熙元	張蘭亭
李文彬	奚廷驥	劉松林	劉幹臣	李丹五
李耀廷	趙東升	呂環章	楊繡峯	張靜齋
紀良臣	張燕傑			

國醫正言(月刊)第一期

中華民國二十三年六月一日出版

編輯主任 陳曾源澤東

編輯 周偉蘇甫 孫鳴山

沈肖卿 趙瑞升

發行者 天津市國醫研究會

會址 天津市東門內文學東箭道

印刷者 天津益世報館

本刊歡迎投稿簡啓

本刊以振興國醫國藥救濟生命爲宗旨投稿諸君請以醫藥言論爲範圍凡國事軍事概莫涉及而文言與白話並不計較但與宗旨不符或文氣醫理不明者恕不登錄原稿亦不寄還

國醫正言編輯部謹啓